

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava planiranih Budžetom Zeničko-dobojskog kantona za 2026. godinu u razdjelu 20 – Ministarstvo za rad, socijalnu politiku i izbjeglice – izvor 10 i izvor 40 Budžeta Zeničko-dobojskog kantona za 2026. godinu, broj: 02-11-3006/26 od 18.02.2026. godine i broj: 02-11-4369/26 od 06.03.2026. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 120. sjednici, održanoj 06.03.2026. godine, d o n o s i

O D L U K U

o odobravanju sredstava za jednokratne i privremene novčane pomoći

Član 1.

(Predmet)

Odobravaju se sredstva za jednokratne i privremene novčane pomoći u iznosu od 320.000,00 KM (slovima: tristodvadesethiljada konvertibilnih maraka) za finansiranje dodatnih interventnih mjera i aktivnosti socijalno-zaštitnog karaktera putem javnih ustanova centara za socijalni rad i nadležnih općinskih službi socijalne zaštite sa područja Zeničko-dobojskog kantona.

Član 2.

(Raspored sredstava)

Sredstva iz člana 1. ove odluke odobravaju se u iznosima i na način kako slijedi:

Red. br.	Naziv ustanove	Mjesečno u KM	Ukupno za 2026. godinu
1.	JU Centar za socijalni rad Vareš	2.277	18.216
2.	JU Centar za socijalni rad Breza	2.277	18.216
3.	JU Centar za socijalni rad Visoko	4.337	34.696
4.	JU Centar za socijalni rad Olovo	2.277	18.216
5.	JU Centar za socijalni rad Kakanj	3.876	31.008
6.	JU Centar za socijalni rad Zenica	9.812	78.496
7.	JU Centar za socijalni rad Žepče	2.907	23.256
8.	JU Centar za socijalni rad Zavidovići	2.496	19.968
9.	JU Centar za socijalni rad Maglaj	2.326	18.608
10.	Služba za društvene djelatnosti i opću upravu Doboj Jug	1.551	12.408
11.	JU Centar za socijalni rad Tešanj	4.119	32.952
12.	Služba za društvene djelatnosti Usora	1.745	13.960
Ukupno		40.000	320.000

Član 3.

(Analitička konta)

(1) Sredstva iz član 1. ove odluke isplatit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 24/25 i 5/26), razdjel 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614100 – „Tekući transferi drugim nivoima vlasti“, KAD 207, pozicija: „Ostali socijalni transferi“.

(2) Isplata sredstava će se izvršiti u mjesečnim iznosima iz člana 2. ove odluke na račune javnih ustanova centara za socijalni rad i nadležnih općinskih službi u skladu sa mjesečnim operativnim planovima.

Član 4.
(Provođenje Odluke)

Za realizaciju ove odluke zadužuju se Ministarstvo za rad, socijalnu politiku i izbjeglice i Ministarstvo finansija, svako u okviru svojih nadležnosti.

Član 5.
(Utrošak sredstava i izvještavanje)

(1) Obavezuju se javne ustanove centri za socijalni rad i nadležne općinske službe da izvrše namjenski utrošak sredstava iz člana 2. ove odluke, u skladu sa Instrukcijom koju će dostaviti Ministarstvo za rad, socijalnu politiku i izbjeglice.

(2) Obavezuju se javne ustanove centri za socijalni rad i nadležne općinske službe da Ministarstvu za rad, socijalnu politiku i izbjeglice blagovremeno dostavljaju mjesečne izvještaje o namjenskom utrošku sredstava iz člana 2. ove odluke.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-4387/26

Datum, 06.03.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x JU Centri za socijalni rad i nadležne općinske službe,
putem Ministarstva,
1x „Službene novine Zeničko-dobojskog kantona“,
1x a/a.